



庚辰 辛巳 壬午

四十三
四十四
四十五

養浩堂二集

卷一

早稲田大学図書館
文書 27
E 55
1



養浩堂詩二集序

日本宮島栗香嘗上書脫藩主之厄極二州之危老夫得覽其書愛其陳情指事宛轉周摯曰有辭若此誠可以解結釋紛矣已又西經方未乞序其詩余則曰詩固有異術耶若取其陳情指事宛轉周摯者即優為之耳難狀之情予難處之事孰難筆力足以白難事猶尚患情之難狀哉故老夫讀其書而知其詩矣老夫行年七十詞章少年之業久置不省獨聞忠義之士則意氣奮發不殊少時不以異邦而有聞也日來氣象頗好遂書此遺之光緒十七年九月合肥

老人李鴻章

養浩堂詩第二集序

余昔嘗從曾文正公游。文正具知人之明。號為得士。有一材藝之能者。無不爭炫鬻於其門。而非常奇偉之才。頗間出於其中。方其在安慶時。逋寇未盡。平也。而識者有以卜其詩書之氣。必能靖禍亂而致太平。金陵克復。又一聚之江甯。余因得盡交其賢豪長者。一時朋好之樂。以為雖古今人才之會。未數數然也。文正既沒。曾不數年。人才亦散之四方。或老瘠且死。余漠然無所嚮。乃走海外。數萬里之歐羅巴。獨居深曠。求所謂朋好之樂者。渺不可復得。既六年而奉使。

日本。日本與吾同文國也。東京又爲人才淵匯。首因栗香以交其國人。後遂狎而求之。如歐陽子所交石曼卿者。久之遊契日廣。及余再至。與國人益習。而適又幸無事。於是上自公卿大夫。下逮布衣野老之倫。往往歌吟嘯呼。詩酒淋漓。酣恣而不厭。其視在江甯時。殆將有以稱之。余又以得朋好之樂於異國。爲足慶也。然余與栗香交十年。栗香嘗守介不妄求合。其位雖不顯。所交多端人正士。必盡栗香所與。而後於士無憾。栗香之以。余之博愛。亦其居地使然歟。余又以謂日本古多豪俠磊落之士。其風俗感慨而悲歌。

與燕趙相類也。栗香有室曰養浩堂。余嘗登其堂。二人者傲然無復畔岸於天下事。知無所不言。言無所不罄。其於亞洲天時人事地利之故。亦籌之悉矣。栗香喜爲詩。然不常作。余不善詩。栗香數強余爲之。故其後集中。吾二人倡酬之作。倍於他人。而栗香更謙下。每有作。必使余竄定。頗有糾繩。栗香不余逆也。今年冬。余將歸國。乃裒集庚辰以還所作。爲三卷。屬余曰。爲我序之。夫栗香之前集。余旣已贅辭矣。今又何言。獨吾二人者之與游。至密無間。其交誼不可終闕。而余前序所云。由語言文字之微。以進於捐故蹈道。

之實者。其言至今浸驗。嗟夫。粟香雖不自以詩名。而讀其寄懷諸篇。若伊香溫泉之游。墨江月夜之興。豪蕩綿邈。亦足以知其胸次所存矣。

大清光緒十六年十二月遵義黎庶昌

養浩堂詩集序

環大海。外諸國。自高麗越南。舊奉職貢為本朝外藩。其盟好之邦。惟日本於中國最親。不甯惟地比壤際。抑亦以詩書文史。涵澹濯沐。有以通其志氣者焉。蓋天地之道大矣。惟文也。足以達之。而傳其精。雖千歲之遠。億万里之外。而無所不能至。天地之道。日新而不已。則文明亦日闢而莫知所窮。自泰西肇造火輪舟車。辨馳五大部洲之域。中國日本咸與結約互市。危機疊端。伏見不常。議者僉以為憂。吾則以謂周孔之教。當益大被海以外。同文於罔極耳。不數十

百年可決知其必出於是者也。嗚呼！惟日本於諸國為先覺矣。自隋唐以來，日本與中國通，且千餘歲，其人類好文，耽述作，所在藏經籍圖史，甚富，彌絕精善。往者友人黎莼齋使于日本，於其國得中國逸書及古本書數十種，刊行於中國。中國學士莫不重惜，以為奇寶。莼齋故以學問文章為中外推重，其所從僚佐亦皆一時知名士，而日本又多文學之彥。居間遊覽宴集，賦詩贈答，相得驩然。故至今稱莼齋使日本，其風流勝事，他國使臣之所未有也。而日本宮內員宮島君栗香者，寬敦有明略，喜為詩，與莼齋交尤篤。

是時余長子沆亦從莼齋往，乃亦益與君善。而君有子彥，穎敏好學，尤有遠志，純行。莼齋及長子沆既歸，踰年而君乃命其子彥來中國，從余遊，今七年矣。其後莼齋再使日本，與君益投分無間，唱酬往還，殆無虛日。莼齋屢以書告余，道日本宮島君之賢，而君嘗取往從莼齋及長子沆相與筆談語，裝為卷，命彥以視余，其相好也如是。蓋日本於中國為最親，而君於中國之人，乃彌加厚焉。豈非斯文之所感通者然歟。君有詩前後集若干卷，其國三條君勝君及中國何君黃君沈君皆嘗為之序。莼齋亦一再序之。至是復

以後集問序於余。余曰：君詩之工，諸君子論之詳矣。奚更以余言為？顧余於君，不可以默也。乃獨道君相尚之雅，及日本與中國輔車之誼，皆收效於文學。所以能先乎諸國，終且必南車之導者，而歸諸君異日者。由日本以往，日引歲漸，浸進而益遠。其將極天所覆，悉瀛海殊鄰絕黨之區，而為萬國同風之盛乎？夫水涸而木解，春風動者，蟄蟲振。是故君子者，見未而知，本觀指而覩歸鳥。呼！惟君其必有繫於余言也。夫武昌張裕釗撰。

養浩堂詩第二集卷一

庚辰元旦早朝赤坂離宮

日上扶桑第一山。宸宮高處拜

天顏。旗章綵煥祥雲色。春滿千門萬戶間。

一月九日水明樓作

頭顛如此不堪搔。對鏡偏驚見二毛。官跡屢遷心自得。詩情雖減氣逾豪。新年歌吹千場酒。十載悲歡三寸毫。霜雪滿城春尚早。梅苞與我獨爭高。

送長岡成山君奉節使和蘭和留別韻

奉命西行辭

帝家星軺萬里向天涯。結交外國情宜厚。專對殊方
論莫譁。旌節高標蘭北日。衣冠猶帶海東霞。使君此
別無瞻戀。只負墨江三度花。

暮春向烏席上和張魯生副使韻

雨絲風片易魂消。墨水花飛春寂寥。今日與君來對
酒。芳情未肯等閑拋。

雨後春村應制

父老欣欣笑幾回。行看農事趁晴催。春林花發牧牛
眠。南畝風暄田畷來。自古躬耕動稼穡。為先儲蓄備
荒災。須知天意啟羣蟄。昨夜東隅始有雷。

七月六日養浩堂即事二首

迎雨梅方熟。送梅雨未晴。江城雲樹暗。終日子規聲。

題畫

雨外明殘照。鐘聲隔嶺傳。歸鴉飛欲盡。點點入蒼煙。

同吉井三峯遊東叡山

蓋世功名不可期。此心唯我與君知。僧房半日來逃
俗。靜對窗間一局碁。

暮春與妹婿保科氏及弟長政飲王子江樓

清溪環四面。足以滌塵襟。世事浮雲去。詩情春水深。
花光搖檻角。鳥影印潭心。一笑呼朋坐。扇樓酒可斟。

僧房擬改東山

窓間擬改僧房

四月十九日遊向島邂逅吉田杏陵

無人不去趁春晴。向島櫻花雪樣明。邂逅相逢舊吟友。梅兒塚畔拾詩行。

七月十六日飲八百松樓

醉餘倚劍吐光鉞。八百松樓氣欲狂。明月不來天已晚。墨江如墨彗星長。

九月六日夜半舟過鴻臺下觀里見氏古戰場

適有客書少陵武侯廟詩於其扇者用其韻作長句

關左雄圖何處尋。鴻臺夜色氣蕭森。導軍鳧雁空留

影。捲浪鐘淵尚吼音。見雁鐘淵并故事縱有長江占

地利。爭如主將攬人心。扁舟弔古頻回首。月白風清淚滿襟。

過先人草廬謹題一首

憶昔趨庭受教初。嬉遊不讀聖賢書。何堪四十空頭白。來掃先人舊草廬。

吾鄉本以蠶業聞潘慶而後見鄉人益勉其業家

多富者賦之贈同好

十年為客故鄉歸。城郭半非人未非。來拓陰中三萬戶。家家無處不鳴機。

後

前

九月十六日舟下合海宿清川示吉井三峯
江流曲曲水悠悠。兩岸青山一葉舟。未到清川三四
里。斜陽明滅櫓聲柔。

九月三十日山形栢山寺赴齋藤馬陵招飲遂
宿

佛殿蕭蕭燈影殘。經過林外已更闌。與君同宿栢山
寺。臥聽江聲到枕寒。

^{未序}栗子山隧道新成此工勞巉架谷民力甚勤九
六閱年始克竣功今歲十月二日
天子行幸親慰勞官民臣借縣令三島通庸奉迎

聖駕於栗子山感泣之餘謹賦一首

奉

六年開鑿幾辛艱。隧路新通巉嶽間。至竟精神動天
地。

鑿輿初幸羽州山。

清龜樓聞琵琶

哀絃掩抑恨無涯。夜靜樓頭秋月斜。似否潯陽江上
客。青衫淚濕聽琵琶。

勝海舟畫贊

江左豪雄勝海舟。曾參帷幕贊謀猷。飄然高卧武城
外。不肖安房萬戶侯。

江東鷗夢樓。餞秋月古香挂冠歸。日南古香文
名人所推服。

本知筆陣掃千軍。不怪騷壇獨擅勳。關左風流誰是
主。江東俊逸久推君。詞源倒似墨川水。文氣高於冕
獄雲。交契多年同把酒。何堪此夕說離羣。

十二月十七日初雪會晚香吟交於向島八百

麥樓會晚香吟交於向島八百初雪飲江東鷗夢樓

同雲黯澹天影低。雪花紛紛日色迷。城中咫尺行人
絕。戰翼午鷄噤不啼。欣然驅車溼東去。飛絮黏地不
成泥。身披鶴氅覺猶冷。瓊樓玉樹望中齋。長安酒價

不憂貴。潤入田畝鬆鋤犁。預卜明年歲稔熟。穀豐酒
釀歡群黎。寶塔鐘沈淺草寺。旗亭燈上小梅溪。瑞雪
歌成人酩酊。不知簾外風淒淒。

壬午清送清國星使何君子我任滿歸國

星槎遠駕東海濤。喜君奉使專節旄。清和兩國結盟
約。君於此際宜勤勞。捧書來謁紫宸殿。春雲藹藹重
御袍。禮成已見使臣節。誼洽宜承

皇帝褒。即今亞洲氛慢惡。猛鷲摩翮豺狼嗥。唇齒相
持事非易。脫佩欲贈日本刀。駐京四載初解職。離筵
縱酒頻揮毫。書訝雲龍躍出水。詩疑海鶴清鳴臯。天

賦奇才奪造化。果知君是人中豪。曾自南方舉進士。
追逐韓柳參翺翹。潮州數鯉長退避。慶嶺梅苞爭孤
高。天下知君未多見。以別最覺心鬱陶。君今歸國兼
省覲。海若護舟風歛號。南極星輝照華宴。瑤池果熟
斟香醪。仙遊咫尺路非遠。蓬萊直待騎鯨鼈。歌成贈
君君和我。瓊瑤之報慚木桃。

江東中村樓大會同人餞何星使黃參贊歸國
席上賦呈

江樓把酒送君回。墨水連天帆影開。五載交遊歡未
盡。一朝離別恨難裁。手攀兩國橋邊柳。思寄羅浮嶺

下梅。聞說海南鴻雁少。不知書信幾時來。

黃參贊公度與余交莫逆。其將回國有留別辭

五章見示。因和其韻以贈。

渤海初浮星使舟。知君參贊果名流。五年帷幕紆籌
策。萬里江山縱勝遊。文酒唯須修舊好。戈矛何敢詆
同仇。明朝又向東洋去。一舉鵬搏大地毬。
夙以文章呼俊豪。連城有價格尤高。老成方見波瀾
妙。結構須知根柢牢。勁比穿巖李廣鏃。快如剪水并
州刀。駕駘難及追風駿。把筆逡巡鬢獨搔。
幸然文字結奇緣。衣鉢偏宜際此傳。霞館秋吟明月

夜。翔。街。春。酌。早。櫻。天。佳。篇。上。梓。人。爭。誦。新。史。盈。箱。手。
自。編。恰。愛。過。江。名。士。好。翩。翩。裙。屐。若。神。仙。
自。昔。星。槎。浮。海。到。看。他。文。物。盛。京。華。相。將。玉。帛。通。千。
里。可。喜。車。書。共。一。家。使。客。縱。觀。新。制。度。詞。人。爭。賞。好。
櫻。花。墨。江。春。色。東。台。景。分。與。天。工。著。意。誇。
莫。說。天。涯。與。地。垠。電。機。通。信。意。相。親。連。衡。畫。策。希。興。
亞。唇。齒。論。交。貴。善。隣。十。室。由。來。猶。有。士。中。原。到。處。豈。
無。人。期。君。早。遂。經。時。志。海。陸。兼。營。兩。火。輪。

三月十四日送參議春畝伊藤博文君奉

命之歐洲諸國國憲二首

十年當軸政新成。

帝。賜。褒。書。海。外。行。一。氣。洪。鈞。隨。物。化。上。台。星。象。照。文。
明。鹽。梅。夙。具。和。羹。手。輔。弼。須。期。補。衮。名。為。是。使。君。威。
望。重。遠。洋。風。穩。浪。無。聲。

豐葦原開兵馬豪。蓮峯獨立碧天高。

神。皇。一。系。王。風。遠。瑞。穗。千。秋。國。脈。牢。初。日。晴。輝。東。海。
鏡。叢。雲。長。護。熟。田。刀。隨。波。唯。恐。歸。西。極。為。鎮。靈。山。戴。
巨。鼇。

相宗神鏡藏于伊勢太廟
叢雲神劍于尾張熱田廟

九月四日飲東野元田侍講鶯花富貴堂和主

人韻

倚水名園坐夕陽。綠陰幽靜好移床。鶯花富貴春常足。詩酒交遊筆不荒。歡飲唯當酬聖世。放歌何用唱滄浪。欽君講幄餘清暇。延引嘉賓興味長。

六月十日遊金杉

雲色黏遙嶼。潮聲落晚汀。振衣人近海。颿影上窗櫺。

七月廿四日同姚子梁小田切貢園弟小森澤

君玉飲金杉海樓和子梁韻

佳勝推金海。好為消夏遊。交歡非一日。賓主是同洲。月色不知夜。濤聲高似秋。與君吟且飲。此興孰能儔。

八月十日養浩堂卽事

日暮秋風起。長天雲忽飛。柴門人不到。明月送清輝。

當七月既望

一味新涼秋信通。湖心亭子晚多風。湘簾四卷燈光動。人面荷花相映紅。

此中天地似蓬壺。紅藕花開秋滿湖。底事微雲掩明月。白銀宮闕有如無。

一從賤竄謫黃州。二賦千秋赤壁遊。邈矣坡公莫由見。楚雲湘月海西頭。

九月九日詩及獵遊朝鮮武人尹雄烈同其子致旻來訪
酒間賦尹氏向偕修信使來者

談及獵遊呼酒卮。鬚髯張戟見雄姿。一聲裂石陰風動。長白山頭射虎時。尹氏談獵虎之事

九月十六日中秋飲吉井氏高輪新搆此夜中秋
水輪出海淨無煙。十里金波水接天。幾度中秋同對酒。故人今月兩依然。

養浩堂秋夜偶成
人定三更下砌行。碧梧浮月露華清。秋來欲覓渾無處。只有蟲鳴似雨聲。

十月六日養浩堂不集遊伊地知一柳吉井三峯兩君草堂

酒間揮毫爲賦
紫微花落桂花開。月下沈吟對酒杯。秋氣襲襟風似水。故人今夕惠然來。

十月十三日重陽招清國公使黎純齋君於紅葉館
答書有晴則赴雨則不赴之語爲有此作

滿城秋色菊花香。折簡相邀把酒觴。半雨半晴紅葉館。惱人天氣近重陽。

十月二十日當清歷九月九日重陽清國星使黎純齋先生始修登高會於東叡山星使有詩和韻

以呈

車書本喜兩家同。相會一堂杯酒中。名士交游無俗態。使君舉止有儒風。文雄力足扛台鼎。詩麗才堪鬪錦楓。今日登高秋色好。海天凝睇送飛鴻。

重陽詩酒一歡同。異域嘉賓在眼中。不負皇華歌使者。且將佳節醉秋風。籬邊脫帽先尋菊。林下停車坐受楓。此地明年應再飲。憑君休說爪泥鴻。

十月二十七日同清使隨員姚子梁友人小牧

櫻川小田切賁園弟小森澤君玉飲深川松茂堂余醉此堂屈指已十七年矣

豪竹哀絲憶昔遊。池臺非復舊風流。樽前難止無窮恨。花易凋殘人白頭。

紅粧佑酒儘豪遊。誰比揚州第一流。唱到當年舊歌曲。絃聲淒咽易低頭。

十一月二十日。同日本鐵道會社長吉井三峯伯。觀新造鐵道於川口。西鄉農商務卿亦自羣馬縣至。遂同乘至桶川。川口且桶川其間可八里。凡閱五月而成。工事迅速。令人驚。七年以前余同三峯遊上毛。檢小坂鐵礦。君告予曰。西哲有言。天下唯鐵與火耳。苟使鐵業振起。則國

同好云

家可患不富強今也鐵道就緒駸駸然日東北
進利國不二十年此業大成余欣三峯之言將
有驗於今日而益願東北人民宜共奮勵從事
速成大功以謀家國富強則賦五章亦伯并贈

鐵路催成川口東大輪火車奔駛疾于風富山如揖日光

笑毛野藏原一瞬中上毛下毛武藏三國大抵原野故指稱毛野藏原

天下物唯鐵火耳能為其事即英雄富強一語君曾
記儻出西人肺腑中

先民獎勵是純忠

帝賜優言寵命隆眾庶從今知永賴厚生利用一人

功

與君曾探毛礦今見藏原架鐵車此路直當通北海

莫疑皇華域被

八里鐵成五月間何時更進東方

一路雪開奧羽出

五十一



